

抱山集

CHL T9117.1148

86

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

OCT 21 1982



剡抱山詩選序

哈佛大學漢和
圖書館珍藏印

余兄弟少讀書東堂堂之外青桐三白丁
香一竹十餘頭而已他無所有人跡罕至
苔蘚被堦紙窗竹屋燈火相映呶唔之聲
相聞如是者蓋十年長兄考功先生嗜爲
詩故余兄弟皆好爲詩嘗歲莫大雪夜集
堂中置酒酒半出王裴輞川集約共和之
每一詩成輒互賞激彈射詩成酒盡而雪

不止久之余三人先後成進士去各以王
事馳驅南北獨仲兄家食以老伯兄叔兄
既早逝余間一過家省兄不旬月輒又別
去中間惟宅先司徒憂共晨夕者五載
然時移勢易樂往悲來欲問疇昔東堂之
跡而亦不可得矣康熙丙子以祭告嶽瀆
之役歸自秦蜀兄送余南村嗚咽揮手明
春計開京師又五載辛巳余請急歸田

一日坐

帶經堂兄子啓溶孫兆鄰泣而請曰垂桑
刻世父叔父兩公之詩既卒業矣吾父有
詩數百篇久沈翳篋中頃始繕寫可以觀
覽惟季父圖之余棖觸而悲暇乃擇三之
一刻之與古鉢同附考功集之後以傳焉
曰抱山者兄少日所居堂因以自名其詩
蓋取諸孟東野句云

資政大夫

經筵講官刑部尚書弟士禎謹序

龍山集選

新城

王士禎禮吉

著

弟

王士禎貽上

批點

漫興八首追和徐淮韻

雨過伊蘭香。縹緲白鶴音。物候值新涼。洒然獲我心。
童子解人意。詩成酒重斟。欲尋西崦遊。霜紅秋葉深。
寄來一疋葛。新夏裁作衣。朝往澗石坐。晚乘涼風歸。
何處洞庭秋。歷歷聞清徽。俯仰以自娛。知我樂羣稀。
兄弟有四人。讀書分兩頭。天問快我心。對此消閒愁。
新綠覆空階。雨氣涼高樓。小渠春水生。夢去偕沙鷗。

哈佛大學漢和圖書館珍藏印

晨隙收草茅。葺我數間屋。屋成梅正花。高坐飲醺醪。
山窗多清陰。冉冉過牆竹。獨攜一卷詩。往來幽徑熟。
山人年百歲。長有好容顏。行步捷如飛。無復勞躋攀。
問叟此何術。所慎惟眠餐。邈焉山與海。白首徒艱難。
感彼靈均言。千里駒。昂昂逢時。既不遂。隱晦以自藏。
世外復何物。照我冰雪腸。牀頭古銅劍。夜半生寒光。
病起春深時。曳杖林中行。枝頭有黃鳥。振羽向我鳴。
仰面看雲出。雲盡山自青。散髮讀楞嚴。聊以觀我生。
道德多尚人。見長卽爲害。遯跡草莽中。讀書以自快。
正則亦有言。不忍爲此態。冥坐鐘寂時。山水發清籟。

八
句字
句字
句字
句字
句字
句字
句字
句字

白蘭詠

蘭爲王者香。不與衆草伍。魚鮪華欲抽。微風馥盈宇。
菲菲來襲予。碧玉芳遙吐。罷沐晚妝成。恰稱觀堂主。
與家西樵兄。叔子貽上兩弟。夜坐嵒華橋。

蕭條黃葉落。江楓良夜疎。星此會同。吸茗談詩人。淡
漠青蒲碧。柳月朦朧。嚴城鼓角寒。初歇橫浦烟。霜畫
自工佳興未闌。風露下小窗。歸伴燭花紅。

中秋

徘徊明月中。如見鸞鶴躅。記得紫雲回。譜作霓裳曲。

和叔子三講韻二首

湖舟醉即解。不問腹與港。騷經讀便擲。不事疏與講。零髻嗟日衰。駐顏豈紫蚌。故態何所存。惟餘此強項。

兄往往漫興如此

薄暮放船遊。拂舷葦作港。因觸涉世心。倚伏夙所講。

焚身象有齒。剖腹珠在蚌。忘機息羣猜。眠鷗盡卷項。

筆有薑桂

秋日過林亭即事

女伴慵鍼線。戲藏金剪刀。芳莎秋興晚。秋興圖促織也籬外落

寒臯寒臯鳥名

題畫葵

羨君能衛足。鮑莊智不如。不隨霜雪盡。應自日南舒。

不眠

綺裯寒入曉。堪憐並枕看。夜不眠。積漸才思消。素

盡夢中慚愧行波箋。

慰毫侯

世事能催髮。數莖休將愁鬢對。容成但逢野色吟。新

句特簡狂徒問。麴生山若久寒翻。作態水當長逝故

無情。升沈知是蕉中夢。好放襟懷選勝行。

過焦石虹侍御余青園

閉門三十日出郭遂成遊遙看女郎山片綠當城頭
柴扉開夕照石徑紆幽修高竹森萬挺爽氣蕭然雷
萍花青覆池池內魚春秋夏山正可望且復登高樓
開殘桃花
殷碧參差花事休輸他人面映門幽江南舊曲情無
極譜入東風絃管愁

春山

一春幾日可曾閑到得閑時春便還春色欲歸留不
可但攜春酒看春山

柳菴雨後同西樵兄賦

曉霽紺園靜塵心聊一清溪迴泉聲亂雨歇石灘
沙鳥爭羣浴孤蟬迴自鳴裴回不覺久涼月遠山

山中椒

幽柯抱清烈獨生山谷裏薑桂性孰存惟應我與爾

新笋

綠竹畦中笋數竿穿叢一日幾回看呼僮早起澆新
水待聽風聲送雨寒

微雲移時月出

乍散還乍聚疑烟復疑水清光出雲中皎皎如初洗

南池

勞勞任城道渺渺近南池亦欲吟秋水為慚老杜詩。

清涼洞

始皇曾避暑四閣望依然欲縱登臨目空愁雨雪天

望嶧山

嶧山插千仞高下遍玲瓏遊子倦行役臥看白雲峰

野人談勝槩遙指玉皇宮頂貯天池水谷迴地籟風

宕堯瞻北麓蒼翠倚長空人陟罕新跡鹿遊迷舊蹤

霞明開翡翠雨霽洗芙蓉可望不可即徘徊意何窮

北去一峰名探海
石較諸峰尤突兀

東明贈楊東曦大令

高城積雨濕苔痕繞屋荷香白鷺翻兩氏弟兄原一

體廿年朋舊念同門寧因避暑來河朔頗為觀魚到

漆園毛薛相傳君好士何人不感信陵恩

仲春衛源同冷如之房再隆趙耳臣遊潞府廢

圃登望春臺賦得東望望春春可憐二首

東望望春春可憐初晴殘雪靜娟娟愁心半負鶯花

月。旅思頻驚玳瑁筵。靈沼金鱗還撥刺小山叢桂尚

連。蜨繁華冷落笙歌寂紅袖香銷五十年

東望望春春可憐梁園賓客散寒烟迴廊曲榭埋芳

草。趙瑟秦箏憶舞筵。松柏穿根石漸出薜蘿掩影洞

高懸不知何處忘憂館。宮柳依依似漢年。

弔古之作頗有
劉滄許渾風調

次再隆韻

遺跡空存失畫樓。高臺凭望思悠悠。一春草色縈新恨。三月鶯啼入舊愁。弱絮風迴疑散雪。疎梧雨滴似殘秋。朝來莫更頻登眺。往日鄒枚今在不。

故潞府假山晚眺卽事

獻歲辭轅里。殘春滯衛城。小山晴眺遠。幽洞暮雲生。細雨滋苔色。微風雜澗聲。傳杯聞艷曲。角奕響楸枰。勝地堪遊賞。懷人動旅情。難窮千里目。何日計歸程。

將發衛城留別諸友人

謝豹啼殘度晚春。自憐寂寞異鄉身。流連十日嗟
飲又作東西南北人

將發衛輝復雨感賦

方看杲日出。策衛計來朝。何事一天雨。如聞八月潮。客情增脉脉。雞唱轉瀟瀟。亦復誰能遣。虛窗倍寂寥。

夫子擊磬處

在齊曾聞韶。三月渾忘味。寫憂適衛源。擊磬非無謂。不謂有心人。一朝逢荷蕢。驅車返故邦。正樂悲隕墜。反覆語太師。八音乃具備。嗟後僭樂章。伶官悉去位。

無復問洋洋。避人與避地。果哉避世難。千秋發長喟。

晚望修武

細柳青青復生暮。雲靄靄復晴。勞人瘡瘡復
狂宿鳥棲棲復驚。

古意

寒食雨阻修武憶去年雨雪東癡首唱笏山偕

予繼和用原韻

雨中寒食兩經年。蕭索難堪野店烟。往日同人歌白
雪。今朝遊子問青天。關心故國三千里。驚見垂條一
再眠。為感他鄉風物改。元宵纔過罷秋千。
河北風俗元旦即立秋千過燈

清明過新鄉

清明愁裏度。細雨過新鄉。茅店賢人飲。瓊樓少婦妝。
衝泥滑馬足。飛絮點奚囊。莫嘆長途遠。微雲漏午光。

開殘杏花

輕紅片片逐風殘。燕子銜來畫閣寒。惆悵穠春無限
意。綠衣空映碧闌干。

登望京樓

巍巍樓閣倚雲隈。占斷春風百尺臺。東去錦帆淇水
合。西來爽氣太行開。如新榱桷存丹雘。極目烟霞點

綠苔莫上望京樓。望遠黍離麥秀使人哀。

再過東園觀絳桃

尋幽何必武陵源。灼灼穠華喜正繁。應似當年韋處士。牆東高起禦風幡。

春日

百花師子小連環。蜀錦流蘇買笑懽。當日曲江今日樂。春光畱與醉人看。

唐時曲江遊賞剪百花妝成獅子上有小連環以蜀錦流蘇牽之歌春光且莫去畱與醉人看之句

似唐人小詩風致可喜

落花

東園頻經過。春歸轉戀春。不須張坐具。醉倒臥花茵。

自君之出矣四首

自君之出矣。啼紅憐杜鵑。為儂傳怨意。飛去落歡前。

自君之出矣。無眠坐春晝。思君如落花。處處沾懷袖。

玉臺之妙句

自君之出矣。花事日闌珊。枝頭梅子信。驚見已含酸。

自君之出矣。三春今已還。相思比人柳。三起復三眠。

不減次作

客衛輝喜馬君召至自丹陽試新茗

三年成久別人遐。嘆室邇跂予望江南。握手淇泉涖。同為汗漫遊。慰藉無彼此。君開陽羨茶。我汲甘泉水。

泉在府學東南隅衛
旅獨此泉甘冽稱最
石鼎松風裏

松

老幹化虬龍賞心惟勝友年來鬚鬢斑宜伴支離叟
送冷如之往山右

衛河傾蓋幾經旬交久知君意氣真最是添人惆悵
處不堪作客送行人

席上有贈

何須粉傅與朱施佳麗天然玉雪姿試向娥眉重借
珠環端不勝珠兒

七夕喜耳臣至得讀新詩兼聞君召歌

鄉國秋雲隔驚看鵲駕河雙星欣聚少好友話離多
佳句南金詠清音白苧歌傳杯興不淺月影正婆娑

久雨

風雨連朝夕瀟瀟景似秋劇甚消永晝疊唱惜殘籌
辭醉非關醉多愁那判愁雲山千嶂隔異地苦淹留

懷州高臺寺

臺高來爽氣古寺徑紆修今日維摩室當年帝子樓

傳為元曇花銷粉黛清梵息絃謳趺坐空塵想鈴聲入

夜幽

高臺寺觀碑

寺為元懷寧王故宮王入繼成宗大統是為
武宗皇慶二年秋七月翰林學士趙孟頫奉
太后懿旨撰文改宮為寺賜名大典龍寺俗
呼高臺寺

懷寧入繼嗣成宗懿旨傳來出禁宮碑記撰文趙學
士寺成皇慶二年中

老
筆

清化鎮食櫻筍戲成二首

清化鎮食櫻筍戲成二首
櫻筍

逆旅何所嗜朱實映葉綠葉綠玉盤兩錢易盈
此間櫻筍廚連村况多熟何必羨洛陽絕勝櫻桃
清化道中

籬籬盈郊拔玉青細苞軟襯馬蹄輕行來數里清香
滿何必君山寄遠情

清化憶叔子弟東堂竹

入望平鋪犀豹文萬竿離立欲凌雲遙思高枕東亭
裏把酒相看有此君

寺中夜坐東劉君先

禪房涼夜靜。深坐散懷清。塔角鈴音遠。樓頭片月明。
娟娟流竹影。謾謾聽松聲。此際忘心想。浮生幻我情。
謝孫天乙惠筍

食指今朝動。厨珍遠見分。初生黃犢角。漸長水犀文。
饒飽聞與可。風高想右軍。朝來尚抱節。計日欲凌雲。
玉版參應熟。龍團雅不羣。何郎信知味。食此美於葷。

新月

新月曲如鉤。娟娟映小樓。美人倚檻望。學得畫眉頭。
天乙貽柿酒。因憶山中舊遊。

村妙稱七絕。詩裁古實錄。實成更陳酒。通若...
山居罕人事。痛飲常不足。茲餘三十載。風塵走鹿鹿。
感君贈一斗。清冽宜蟬腹。觸今憶往昔。舊緒縈心曲。
言歸營菟裘。早結山中屋。

大梁有感

四十三年別汴京

先大父以崇禎甲戌司臬中州。予隨之任方八歲。今五十有

重來風物最關

情山川如舊人非舊。城郭曾更代亦更。

乙亥遷任浙藩。後汴城河決。

分

陝甘棠思大父。衡水鑑憶難兄。

先兄西樵考功。癸卯主河南試。

不堪回

首當年事一望夷門百感生

雨阻杞縣訪趙宣師不遇

望斷伊人信久疎。連宵風雨一燈孤。蕭條逆旅誰知已。祇憶高陽舊酒徒。祀古名高陽

荅鄭長葛元改惠茶

驅車汗漫遊。偶爾經長社。鄭君癖好友。早牧兼瀟灑。贈遺無長物。緘茶足幽雅。旗槍早晚分。笋芽品高下。含膏極芬芳。植少難盈把。魚眼沸正熟。花乳香滿舍。七椀清風生。便應代杯斝。療渴與滌煩。况復當炎夏。敢不拜公賜。一串非云寡。長吟玉川詩。悠然我心寫。

過丹河見秧稻

稻稼成塘斷。仍續數畦。非違時秧針已全。綠

雨不須求。丹河漚汎是流。

初秋月夜

秋至晚涼生。虛閣致幽敞。徘徊碧桐陰。披衣看月。

月下看竹

竹影含青翠。月光澄碧煙。人間與天上。兩兩鬪嬋娟。

秋山

秋行曉起怯秋衫。秋氣逼人秋露寒。秋色自佳秋興好。秋山蒼翠滿吟鞍。

的
佳作

重過大名舊城觀五禮碑求捐本不得

當年西去曾經此五禮碑看最繫情今日重來空坐
卧難尋一本遍陽平

白櫻桃

珠顆映筠籠瑩瑩殊可羨上苑鳥爭銜寢園春已薦
憶昔貯赤瑛朱實無所見水晶瀉銀盤月下心目眩
青李與來禽與君豈同傳

發儀封別孔雨化

興壇先
兄門人

如君高誼許誰同好客人傳北海風珍重故人從此
別相思千里考陽東

榮陽雜

且成臯近潯潯酒水環居元多穴處傷
偶至觀風土誰為破旅顏有求方碌碌無欲覺門
素月嬋娟影青峰紫翠鬟把杯邀月上相伴坐看山

百泉懷古

二三攜好友把酒盼庭柯瑟瑟籬邊竹亭亭池上荷
蘇門開晚照沁水漾晴波幽鳥窺林下馴鷗傷客過
緬懷清嘯侶望古意如何

百泉

茲彼百泉流洋洋入淇汜風動碧波紋荷花香出水

蘇門山

遙望蘇門山隱磷多幽致青林間白雲晚照含蒼翠。
嘯臺

長嘯人已邈餘音振林麓世事笑莫談嵇阮有高躅
過內黃謁華東張公祠

先生昔尊宿聲華邁兩京

先生為明兩京總憲

初試烹鮮宰人言

清且明遺愛踰四紀崇祠表廉貞小子生雖晚猶記
望塵迎行經古柯地感動故鄉情再拜不忍去溪毛
展精誠

冠縣聽砧聲

一石來近郵亭更幾宵暮雲兩地隔曉露一天遙

雁淚離聲切砧聲伴寂寥砧聲何處生愁中未敢喚

德州河上口號二首

曲岍臨大河風帆日千里迢遞遠鄉人離心託江水
思鄉與懷古望遠臨江樓長歌指飛鳥風起蘆花秋

范公亭

勝遊餘興惜殘餅聒耳鳴泉酒乍醒驢背不辭山路
遠暮衝寒雨范公亭

過東明柳堤憶楊東曦明府

嘶柳依稀指故蹤倚碑駐馬泣春風楊公已去楊堤
在悵望風光舊日同

香奩體二首

春來陌上已花然。南浦傷心草似綿。欲倩文鱗將尺素。無端錦瑟惜華年。流波比恨朝難息。膏火爲愁夜自煎。畱得玉臺香粉跡。宵來惆悵不曾眠。

葦蘿溪上浣紗晨。龍婉鴻驚首似螭。未駕雲車同織女。祇餘珠淚比鮫人。心傷遇舊藤蕪弄。魂斷將離芍藥春。空賦錦鞋難寄恨。花前畱取待香塵。

元旦立春和徐五嵇菴韻呈雷明府

朱轡青幘報行春。綵勝椒觴並此辰。天上雙傳星曆使。人間共喜歲華新。花凝六出。正待瑞香。三

水邊搖曳風光好。化日遊春樂齊民。

七郎苑

曲水穿村細柳浮。家家門巷枕清流。相將父老談春至。共向東菑看試牛。

水仙二首

水仙祠下水仙樹。一醉仙漿七日眠。何似華陰人更異。服經八石便成仙。

冷艷冰肌致自清。江梅爲弟蠟梅兄。盈盈迴出風塵表。不愧凌波仙子名。

雷明府招飲同令兄笏山家弟叔子賦得人日

題詩寄草堂寄東癡

梅風吹雪散氤氳粉署含香接令君義郡從遊兼漑
洽洛中詞賦見機雲英傳七葉靈莫換花發三川錦
浪分忽憶避人徐孺子詩成欲寄草堂聞

雪

未雪氣先冷簾櫳漸有聲圖書閑不啓坐愛小窗明
對雪閱唐人雪詩獨喜祖詠終南絕句用韻三

首

微風打窗紙凍雀鳴簷端起看松竹色蕭蕭增薄寒
將雪無雪色色在寒雲端煨芋看新雪骨與梅花寒

遠山對西牖高出浮雲端朝來望新霽四顧清光寒

三詩不減元偈東坡地爐煖撥通
紅火卧聽蕭蕭雪打窗同此風味

三月三日上巳和嵇菴韻

良辰三巳遇清明雨雪連朝喜乍晴聊泛一觴修禊
事誰甘五字讓詩城橘花漫逐桃花水白鬢稀逢黑
鬢羨鑽火汲泉堪共飲紫茸初試聽新鶯

南園海棠未花二首

穠芳空憶舊年華何事今年未放花搔首閑庭頻悵
望却疑春色向鄰家

寂寞春風繡幕圍懶從羣艷鬪芳菲想因嗜睡消清

一片溪頭雨蒼茫入翠微臨水披襟坐蜻蜓無數飛
石竹

一幅徐熙畫幾叢嬌更妍香風亭午過知有麝香眠
紅甲

春色烘騰上玉蔥詭人一捻袖邊籠山櫻然處薰沈
水砂粒擎來飼守宮描向柳眉疑化碧彈將珠淚是
啼紅楊家有女無人見傳得纖纖樣不同

明初瞿宗古
輩有此一派

髮香

靜有天然質非關膏沐施鑑人明燭下罷沐

細馥衣邊出餘香枕畔知
螺黛平分色花奩昨賦詩合蟬新樣好香影不相離

字字
工麗

遊岐叔內叔秋谷園亭

治圃秋谷前高下環在目穿溪引曲流傍山成小築
跂足臥石牀清風滿修竹欲卜由東鄰終焉友麋鹿

中秋雨憶去秋月華東東癡
東癡有
月華詩

去年中秋時金波淨如練紅牙按銀箏翠袖搖檀扇
午夜興方酣五色雲忽見陸離幻彩奇開闔呈態變
今年中秋時雨絲雜風片丹桂滿庭花珠蘭盈階舊

皓魄不易逢。姮娥惜半面。搔首意茫茫。佇立情戀戀。
杯酒酌廣寒。微雲鎖仙院。

美人蕉

紅袖垂垂翠黛清。好花不負美人名。秋來愁緒如蕉
卷。又聽蕭蕭夜雨聲。

九月八日同徐東癡于道子家太液苑西東亭

懷西幔亭諸兄弟集小隱園和東癡韻

預約登臨頓日斜。明朝須記酒還賒。

杜詩如今九日
至自覺酒須賒

絳囊

已貯黃成佩好句。應催菊蕊花。玉露寒空驚過雁。碧
荷涼葉暗棲鴉。彭城故事堪相並。散步何當用馬羶。

宋武在彭城九日
承為故事余邑有彭城馬羶故云

九日卽事

坐向西風落帽斜。美哉秋色與尤賒。坐中有客矜能
事。竊得漁陽鼓幾過。

九月十九日同東癡太液過東園時菊初放東

癡用坡公語作起次韻

菊花開卽是重陽。寄傲東籬見晚芳。香冷三秋英未
落。節過十日興猶長。垂垂欲墜仙人露。淡淡甘凌玉
女霜。且喜催租人不至。詩成同醉九霞觴。

明湖秋汎

湖與天光接舟行似晚霞芙蓉飛短棹楊柳暗人家
玉切秋鱸膾香分顧渚茶誰家亭子好只隔白蘋花
同慢亭弟賞虞美人

傾國當年貌紅顏逐歲新香魂如未滅含笑楚江濱
木芙蓉

花滿成都號錦城人間不獨擅芳名觀文久作芙蓉
主何事猶傳石曼卿

五十一生日偶成

慚過知命尚無知百歲流光半踰期家弟去年曾有

題詩同常持未以詩
既亭丙辰贈聯有年
當年江上詩之旨

龍冰道中雪

六出飄何急驚風繞水涯馬蹄踏敗葉衣袖撲飛花
枯樹蹲霜鶻寒流過暮鴉茫茫高下望烟火出山家
喜季弟阮亭新拜大司成凍姪生子賦寄

儒宗推重望不愧大司成丹鳳乘雲至荀龍應日生
嶢嶢頭角異爛爛眼光明繩祖青箱業宜男玉筋羹
漢南當獨步江左振芳聲宰相他年事鄴侯傳令名

新兒
名新

送崔黍谷明府權知冀州

撫字勞心十二年信都西望隔雲天令君德政知多

少干古清風魯仲連

錦秋湖有魯連陂

山居

暮雪千岩裏。誅茅讀道經。科頭坐澗石。赤脚踏層冰。
幾夜聞猿嘯。一春梳鶴翎。簷前飛瀑急。聒耳酒初醒。

贈人三首

春色悵年華。雕房護異葩。小姬憐玉珮。狂客羨胡麻。
願結三生石。情深七夕車。何當化夢蝶。飛入小蘇家。
蝦鬚微揭記。初逢按拍當。筵蠟炬紅。別後相思不相。
見寄詩應徧枕函中。

一冰盈盃去路斜。層樓曲曲見奇葩。橋頭暹暹水。

捲映紅窗第四

附詩餘

菩薩蠻

過露筋祠

女郎遺跡秦郵路。晚涼門外青楓樹。石竹響空祠。蕭蕭三兩枝。
可憐嗚咽水。斜日西風裏。那更感人情。

估船吹笛聲

此首入倚聲集

菩薩蠻

清明一首

蕭蕭風雨花朝暮。依依楊柳清明度。遊子尚天涯。他鄉竟作家。
三春花事好。三月鶯花老。珍重惜春殘。春殘人未還。

陌頭楊柳將飛絮。一年又是春將暮。異地恰清明。勞
人百感生。東風偏作惡。花落人蕭索。寄語囑鶯花。
春歸莫放他。

望江南

惜春
三首

人歸去記是暮春天。當日舊歡猶歷歷。今朝新恨更
綿綿。惜別已經年。

春光媚綠草。可爲茵拂檻。花枝畱醉客。隔林啼鳥喚。
歸人異地又逢春。

春光惜無計。耐東風。金粟絃鳴朱檻外。玉簫聲送畫

樓中。相思燭花紅。

抱山詩
送終

刻古鉢遺集序

古鉢山人詩一卷。凡爲古今體百篇。山人
母弟士禎所編錄。於是距山人之歿十二
年矣。刻成序之曰。山人王氏諱士祐。字叔
子。一字子側。別字東亭。前戶部尚書贈少
師見峯公曾孫。前浙江布政使贈經筵講
官戶部左侍郎康寧公孫。封國子祭酒贈
經筵講官戶部左侍郎匡廬公第三子。幼

沉默寡言笑讀書好深湛之思爲文章刻
深藹香不取悅時目初與其弟士禎同學
詩于見考功氏常夜雪集東堂同和輞川
集山人得句云日落空山中但聞發樵響
考功驚歎遊吳興與宋荔裳嚴武伯葉元
禮諸名勝共賦五言詩成諸公閣筆以爲
孟襄陽微雲澹河漢之比吳江訖甫草論
之三三並著詩名西樵阮亭早達故

譽易起若東亭之才詎肯作蓬腰哉世以
爲篤論山人年二十二貢入太學踰壯乃
得第中間以帖括廢詩不爲者十數年庚
戌後稍復爲之多幽憂侘傺之語亦削蕞
不錄故存者什一耳山人旣歿士禎搜篋
中遺文率取零簡敗楮書之叢殘黢黢如
數百年故物手扃鐫之不忍視也已而攜
之東粵攜之京師歷十年始啓篋稍次第

為一卷嗟乎人琴俱亡昔人所歎以山又
之才而所存于世者雁如此悲夫
資政大夫
經筵講官都察院掌院左都御史弟士禎
謹序

中鉢集選

新城 王士禎叔子 撰

弟 王士禎貽上 批點

同舍弟和李退菴侍郎讀水經注憶洞庭之作

相思何處折芳馨。望斷黃陵舊日亭。水經注湘水又北逕黃陵亭西秋水

依稀聞落葉。楚天彷彿見揚靈。洲邊子戍三春綠。樓

外君山一帶青。太息雲中君在否。不堪重問道元經。

賦得揚州早雁 舍弟揚州 試士題

隋隄烟柳尚參差。目送寒蕪見雁時。浦樹驚秋零暮
雨。江樓橫笛起涼颼。為辭霜雪輕千里。此去瀟湘近

九疑回首故人經。歲別楚天搖落重相思。

二詩秀絕人區神韻在文句之外

潤州懷古

甌城秋色連天碧。近帶京江萬里遙。落木高原空壁壘。橫波砥柱見金焦。雲嵐泱泱通三楚。人代興亡感六朝。晚向石公山下望。潮聲東去海風驕。

登金山

江天極目何寥濶。拳島浮來不自玉京鼉。窟潮翻孤嶼。動龍門波撼暮鐘鳴。蕭蕭相葉無邊落。點點漁舟取次生。懷古更探留帶處。高臺月色至今明。

登焦山

振衣凌絕巘。放眼大江潄。呼吸通霄漢。蒼茫閱古今。崩崖如虎踞。修竹作龍吟。欲訊朱方鶴。寒濤百丈深。登北固山甘露寺多景樓

顧盼金焦如拱揖。憑凌海氣更蕭森。西津落日千帆影。北固高樓六代陰。晚笛淒清傳極浦。漁燈依約沒寒林。孫劉已事頻搔首。悵望江城起亂砧。

招隱寺

戴公宅畔望蒼淡。米家圖山水幽難盡。招尋興不孤。虬松鱗甲動石几。蘚苔鋪更眺迴龍勢。迢迢接練湖。

鶴林寺

緬邈尋丘壑。殷勤訪鶴林。蕭然古竹院。朝日翠微深。
奇石媚幽賞。清泉流至今。米顛復千載。高望寄長吟。

二十四品中所謂神出古異淡不可收者

為宗梅岑題李河濱畫八首

老幹狎風霜。疎花媚殘雪。自有幽人踪。閑來伴清絕。
山色蒼茫外。空林黃葉舖。古今無限意。誰與問荒塗。

古詩荒塗

橫古舍

昔人擅竒癖。懷袖烟霞窟。我亦丘壑人。為君具袍笏。
林木何清迥。殘陽明遠津。荒寒時極目。恐有漁樵人。

為憶東軒下。新篁發幾莖。紙窓明月夜。應有數枝橫。
遙望小香居。愛此芝蘭室。何須怨遲暮。孤芳自閑逸。
熠熠耀初日。田田映碧苔。最憐香露滴。披拂清風來。
石畔托霜根。凌寒好顏色。主人淡自如。採掇情何極。

數詩得王裴之趣

白孟新招同程穆倩杜于皇獨任上人集橋西

一草堂限韻

欲向春星問草堂。依稀巷北舊垂楊。入門屐齒苔痕

破。拂袂籬根花氣香。高座精神元卓朗。謂獨公少陵風味

自清狂。謂茶村相過不必煩。相約乘興時時到墨莊。

次韻荅獨任上人贈別

遠公爲過虎溪橋。柳色津亭幾暮朝。他日重經三笑地。春風休折最長條。

贈隱者蕭翁

幽居最蕭瑟。終日對烟鬟。三徑不曾掃。雙扉長自關。風聲生壑籟。雲葉變溪顏。何日謝塵鞅。芒鞋時往還。宿黃渡驛

山驛急寒柝。蟲吟四壁秋。濤聲落孤枕。雨氣滿層樓。客思正無賴。西風殊未休。短檠仗殘醉。聊爲破鄉愁。早過奔牛

楓葉蕭蕭露氣清。菰蒲獵獵早潮生。扁舟鼓脚聞風水。便有長江萬里情。

想見胸情所寄一往蕭遠

自寧國縣之宣城道中二首

修竹叢邊帶行騎。流泉聲裏度籃輿。望中不省身爲客。擬向昭亭問卜居。

向晚坡陀路盤迴。一徑通馬行黃葉裏。人在翠微中。疊嶂看無盡。哀泉聽不窮。蒼茫望谷口。烏道白雲叢。閣上坐雨望敬亭

樓外青山碧四圍。盪胸雲氣欲沾衣。愁中碧草侵階

長望裏春禽接翅歸。閑倚枯藤清興極。漫傾濁酒賞
心違。蒼松翠篠空如畫。悵悵烟嵐屐齒稀。

聲情之妙
一唱三歎

梅瞿山畫松石見贈奉酬短歌

四壁風濤忽凌亂。拔地長松聳孤幹。紛拏詰曲虬龍
姿。鱗甲縱橫非狎玩。下有磐石何連蜷。綠蘿碧蘚藏
雲烟。逋客膏肓本泉石。儘容目送揮五絃。我來陵陽
已旬日。雨雪泥人不得出。敬亭在眼常咨嗟。疊嶂空
懸况愁疾。梅子念我作此圖。十日五日成須臾。携將
鄭重付我手。笑云宜子山澤癯。遙憶經營殊慘淡。役

使神鬼羣靈趨。颯颯空堂動雷雨。冥冥白晝啼鼉
為君慷慨命斗酒。髯翁石丈相招呼。忽憶岱宗五大
夫。芒鞋藤杖曾攀扶。枕流漱石坐移晷。嗒然喪我天
為徒。即今開卷睹五鬣。汶陽久別胡為乎。白石磷磷
頗堪煮。清風謾謾行與俱。置我丘壑意良厚。瞿山高
義天下無。嗚呼瞿山妙墨天下無。

頓挫
沉鬱

雪中觀瞿山宛陵圖景偶成。物體奉東

天公作意故相惱。寓樓雨雪何憑陵。三日垂帷似新
婦。六時據榻真枯僧。頗憶山中樵路滑。更思江上漁

舟能臥遊聊可破岑寂瞿山丘壑雲霞蒸

亂頭粗服自妙

姑孰重過瑞竹堂感懷靜波禪人

蘭若經過憶十年竹窓松徑故依然數聲鳥啣青春
色一樹花明穀雨天山對謝公虛勝踐龕留佛火照
愁眠去無鼻孔來無口拂子空懸舊榻邊

采石感懷曹二梁父二首

憶向江干惜別離黃昏石壁共題詩今來寂寞空江
上獨酌青蓮夜雨祠

禪榻何人對寂寥短檠和淚雨瀟瀟若爲灑向寒江

暮月黑雲深欲上潮

滄波一別亦五六年不得消息讀此真欲百端交集

古詩三首輓廣陵閻烈婦

河洲有摯鳥關關鳴相隨顧影戀儔匹飲啄無乖離
既鮮弋人慕復何網羅施運忽兀陽九中秋悵分飛
寡鵠與孤鸞誰能釋此哀長鳴念舊侶引吭一何悲
摯性輕繒繳宛轉從此辭維彼鴛與鴦永附蓮理枝
高門毓名媛貞烈本自天幼聞從德訓長嫺詩禮文
願言卸鉛華遠希椎布賢方將共白首何期中道捐
從一禮經著之死風詩傳霜縑報夫子授命無逡巡

烈哉巾幗流心與金石堅以之風百世廉立及懦頑
慷慨非所難從容良不易方其誓几筵當無兩岐跡
寒泉延二豎單袷冀沉痾垢髮與蠟九百計求其志
既割兒女情魂應化精衛寧知千載名祇求一心遂
母也乃天只殊不諒人意太息緬芳徽豐碑永無媿

三詩氣
調俱古

宜陵阻雨欲訪梅岑不果

東原讀書處深柳護雙扉剪韭期多悞衝泥願又違
虛疑杯潏灑同聽雨霏微惆悵篷窓底殘鐘與夢歸
廣陵清明感懷

節到清明欲禁烟紙錢堆裏見荒阡魂驚客夢寒余
濕腸斷孤燈總帳懸百五日過空涕泪廿三年事太
迤邐何緣寄語青春色流轉風光劇可憐

題阮月樵買臣負薪圖

晚達誰能信行吟獨苦辛金閭驚候吏方識是奇人
紅橋春泛

新晴棹入碧波平烟柳烟花取次生載酒人過香霧
散采蓮歌斷暮雲橫臨風恰受青蘋媚極浦遙憐白
鳥明惆悵聞鐘催暝色迴帆擗處到蕪城

贈法雨上人

愛爾栖禪處蕭然鄰選樓心知西來意跡並東林儔
到院蒼苔滿循廊竹徑幽碁聲靜亭午詩思凌滄洲
自得環中趣何勞象外求彌天應不愧初地一同遊
余亦抱微尚因之思惠休

羚羊挂角
其妙難言

廣陵諸子泛舟送余東歸限韻分賦

浦溆新漲平潮洄乘流便輕風颭芰荷冷然送餘善
佳日紛懷抱揚舲啓高宴千古河梁人魂消此繾綣
荒唐閱時序鳴禽聽屢變倦翮思故林及茲但悽戀
絲柳映深盃綺霞絢芳甸明發矚川塗悵矣澄江練

召伯湖懷送別諸故人

湖水莽無際秋雲片片陰風帆望極浦落日下楓林
渺渺懷人遠茫茫惜別深客愁對搖落一昔二毛侵

早發

壁燈青熒照無寐徒御嘈嘈馬撼轡
膈膈膊膊喧羣雞殘月欲墮風淒淒
結束出門戴星露熹微稍辨高
原樹隔林犬吠知曉耕烟裏鞭牛聞叱聲

音節似
張王

感興

不才端合老繩樞金馬門前縱此逋自有澤車宜款

段更無蠻府賦。俾隅津梁渺渺經。來倦歲月堂堂惜。
又徂滿眼鹿蕉俱。是幻可容好夢到清都。

南村

姜學在菽圃十二首

村路向叢薄。蕭然成獨往。逶迤苔徑幽。窈窕春陰敞。
不見荷鋤人。孤懷結遙想。

鶴柴

月明虛館靜。松籟時相激。清露警遙情。寒宵共岑寂。
何當縱高步。相將理輕策。

紅鵝館

院靜苔痕滋。蘋風媚洲渚。無事獨臨池。滌硯當亭午。

時復愛鵝羣。公波方擇乳。

乳魚亭

偶來結長夏。冰簟臨碧漪。遊魚蕩波影。蓮葉紛東西。
緬茲濠濮興。時動華林思。

香草居

閑情寄繁圃。來入芝蘭室。小逕聚光風。搴芳聊永日。
坐感江潭人。靈修悵安極。

朝爽臺

振策臨高臺。清暉動林樾。烟鳥破朝暎。嵐光相映發。
天風忽泠然。曠哉思拄笏。

浴鷗池

方沼泛空明。忘機愜浩蕩。晞羽綠莎茵。時與春鋤傍。
島嶼春風還。夢落滄洲上。

度香橋

虹影浸芳塘。演漾波紋聚。芳荷遠益清。微風時一度。

深柳亂鳴蟬。斜陽待香步。

梁徐摛壞橋詩岸曲
斜梁岨何時香步歸

響月廊

幽人惜良夜。河漢殊清淺。皓魄臨廣除。迴廊趣屢緬。
天宇何寥寥。微雲自舒卷。

垂雲峰

巖戶多奇雲。幽棲夙所契。何處一拳峰。自有氤氳意。
抱茲丘壑情。日夕對蒼翠。

六松軒

駢塵千年姿。森稍蔭庭砌。皆作老龍鱗。風濤吼空際。
主人耽著書。歲月那能計。

繡佛閣

妙音出行樹。風度層樓迴。月上多微叅。
月上女
見內典 髻珠一
何靚忽聞蒼。蔔香清宵發深省。

遙題陳開之種竹園

高人耽逸致。避俗莠修竹。稍稍新篁抽。坐愛庭陰綠。

灑然緬昔遊。心縈雲溪曲。聞君開三徑。萬竿憂寒玉。
肩輿須徑造。便入篔簹谷。怒鞭忽墳砌。柔枝亦捎屋。
時攜嵇阮情。侑此盈尊醪。頗怪少陵翁。斫之恐不速。
豈以栖鳳姿。乃擬惡陰木。會詠淇澳詩。一灑此君辱。

宿山村

斜日下高嶺。涼風吹古原。寥寥人境外。雞犬自成村。

漫興

時運有代禪。春秋互榮凋。坐對芳菲枝。心知枯瘁條。
洪鈞治萬物。豐嗇適所遭。委心得自然。形役徒爲勞。
所以至人遊。無往非逍遙。

送王元式假歸崑山三首

同是悲搖落。今朝送遠行。風帆二千里。幾日到江城。
况以清商候。能令白髮生。玉山山下路。回首若爲情。

機軸出于太白不減昌穀

露下雁聲急。霜零楓葉丹。郵程當歲晏。風雨渡江寒。
太息思空谷。長謠感伐檀。不須渭城唱。雙淚已沈瀾。
宦遊不得意。羨爾遂初衣。南國鱸魚美。西風遠客歸。
經年嗟旅食。別路欲翻飛。誰念臨岐者。悵然歌式微。

秋懷八首示弟阮亭次張司業秋居韻

暑退煩思減。秋霖徑蘚圍。乍聞楓外杵。自檢篋中衣。

鶴夢已知警。禽言未擬歸。家人望南雁。應訝到來稀。
太息非通隱。悠悠十丈塵。心勞方外侶。顏強世間人。
壁上談玄麈。牀頭漉酒巾。所嗟閑歲月。不得作閑身。
頗憶城東墅。清池汎乳鵝。荷殘風尚軟。柳暗蔭仍和。
名紙通門少。農謠到耳多。南村有鄰曲。寂寞近誰過。
潦倒悲秋客。行吟強自豪。清和思錦瑟。幽怨入檀槽。
坐送年華去。愁看斗柄高。怪來滋味別。元識爨薪勞。
鳴鴉衆芳歇。高涼八月天。風前聞玉笛。露下倚冰絃。
僻巷容遲步。疎櫺得早眠。何緣如脉望。三食盡神仙。
經時思大被。幾月慰連牀。接坐披新帙。閑情試妙香。

已聞蟬語澁。漸覺漏聲長。爭席吾何有。無須鑿五漿。
我慕宗生隱。常遊四壁圖。心惟從岫息。名不向人沽。
止酒藏蕉葉。遶泉製竹符。秋聲到庭樹。吟斷幾莖鬚。
樓遁元吾好。名山欲乞靈。橫琴見海水。繞嶂憶螺亭。
一點峰頭月。兩函松下經。何時偕淨侶。趺坐辨風鈴。

此兄辛酉八月京邸所作乃絕筆也悲哉

古鉢集選

古詩集選

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

